

晉

略

冊

一

江苏工业学院图书馆  
藏书章

畧

四部備要

史部

上海中華書局據道光十

九年刻本校刊

桐鄉 陸費達 總勘

杭縣 高時顯 輯校

杭縣 吳汝霖 校

杭縣 丁輔之 監造

晉略目錄

第一冊

本紀一 武帝

本紀二 孝惠帝孝懷帝孝愍帝

本紀三 元帝明帝成帝

本紀四 康帝穆帝哀帝帝奕簡文帝

本紀五 孝武帝

本紀六 安帝恭帝

表一 甲子

第二冊

表二 州郡

第三冊

表三 割據

表四 執政

表五 方鎮

第四冊

列傳一 安平王孚王祥

列傳二 賈充石苞裴秀荀勗

列傳三 羊祜杜預王濬陶璜

列傳四 扶風王駿馬隆周處

列傳五 齊王攸王渾衛瓘和嶠

列傳六 二傳玄二劉毅劉頌段灼

列傳七 山濤魏舒劉寔庾峻

第五冊

列傳八 楊駿汝南王亮楚王瑋敗懷太子通

列傳九 張華裴頠



列傳十

八王

趙王倫梁王彤淮南王允齊王冏成都王穎河間王顓長沙王乂東海王越

盧志

列傳十一

劉弘

列傳十二

劉琨王浚苟晞

列傳十三

閻鼎賈疋索綝麴允

列傳十四

八張軌寔茂駿重華曜靈玄靚天錫

第六冊

列傳十五

祖逖劉遐李矩郭默劉胤魏浚魏該

列傳十六

周玘顧榮紀瞻賀循熊遠

列傳十七

王導劉隗刁協

列傳十八

周訪陶侃應詹

列傳十九

溫嶠郗鑒毛寶王舒虞潭顧衆張闓

列傳二十

王敦蘇峻

列傳二十一

郭璞譙王承周顓戴淵卞壺羊曼劉超鍾雅桓彝

列傳二十二 華恆二陸曄褚裒二孔愉丁潭陶回

第七冊

列傳二十三 三庾亮冰翼何充褚裒殷浩

列傳二十四 蔡謨王羲之孫綽

列傳二十五 桓溫

列傳二十六 王述王彪之

列傳二十七 二謝安桓沖

列傳二十八 會稽王道子王珣車胤郗恢

列傳二十九 范甯徐邈

列傳三十 王恭劉牢之

列傳三十一 桓玄

列傳三十二 孫恩盧循

列傳三十三 毛璩何無忌

列傳二十四 劉毅司馬休之

列傳二十五 劉穆之王鎮惡二沈田子二朱齡石林子超石

列傳二十六 仇池楊氏

第八冊

國傳一 成漢李氏

國傳二 漢趙劉氏

國傳三 後趙石氏

國傳四 燕慕容氏

國傳五 秦苻氏

第九冊

國傳六 後秦姚氏

國傳七 後燕慕容氏南燕慕容氏北燕馮氏

國傳八 西秦乞伏氏



國傳九 夏赫連氏

國傳十 涼呂氏南涼秃髮氏北涼沮渠氏西涼李氏

國傳十一 代魏拓跋氏

第十冊

彙傳一 宗室

彙傳二 篤行

彙傳三 清談

彙傳四 任達

彙傳五 良吏

彙傳六 文學

彙傳七 隱逸

序目

晉略本紀一

武帝

帝諱炎字安世氏曰司馬楚漢時卽爲殷王都河內其後因居溫云  
八世至漢征西將軍鈞鈞生豫章太守量量生潁川太守儁儁生京

兆尹防防子八人其第二子曰懿懿子九人長曰師次曰昭

懿妻張氏河內

平皋人生三子師昭榦張有權略魏武初辟懿懿辭以風痹天暴雨不覺自起收書家惟一婢見之張恐事泄手殺婢遂自執爨及懿寵柏夫人不禮張張嘗視懿疾懿曰老物可憎何煩出也張恚不食諸子亦不食懿乃謝之既而告人曰老物不足惜慮困我好兒耳魏正始八年年五十九卒武帝受禪追尊曰宣穆皇后帝昭長子也懿字仲達漢末爲魏國太子

中庶子魏武察其雄豪欲除之賴太子丕以免文帝末以撫軍將軍錄尚書與曹真陳羣並受顧命明帝卽位封舞陽侯遷驃騎將軍太和元年都督荊豫二州鎮宛平孟達四年遷大將軍加大都督假黃鉞與曹真伐蜀青龍四年遼東叛徵詣京師景初二年平遼東還至薊使者迎勞增封詔便道復鎮關中至汲又詔赴都三日之間詔書

五至懿疑京師有變乘追鋒車自白屋四百餘里一日夜而至明帝已大漸引升御牀執懿手目齊王芳曰以後事相託死乃復可忍吾忍死待君得相見無所復恨矣與大將軍曹爽並受遺詔輔幼主遷侍中都督中外錄尚書與爽對掌朝政爽忌之徙爲太傅加殊禮入朝不趨贊拜不名劍履上殿爲殊禮正始二年出拒吳遂留屯五年還朝八年偁疾不

視事陰圖爽爽亦疑懿使其黨李勝候懿懿詐疾篤爽等信之不設備嘉平元年正月爽從魏帝謁陵弟羲訓典禁旅並委營以出懿立起奏太后廢爽兄弟奪其兵勒以迎帝誣爽反并其黨皆夷三族詔拜懿丞相奏事不名朝會不拜加九錫懿讓九錫偁疾不復朝每有大事天子就訪焉三年兗州刺史令狐愚太尉王凌謀討懿不克死之事連楚王彪懿并殺彪悉錄魏諸王公置鄴命有司監察不得與外人交通詔拜相國封郡公又讓不受六月疾作王凌爲祟八月卒年七十三葬河陰諡曰文宣晉受禪追尊曰宣皇帝廟號高祖墓曰

高原陵師字子元以撫軍大將軍代懿輔政嘉平四年遷大將軍督中外錄尚書正光元年魏帝與中書令李豐后父光祿大夫張輯等謀以太常夏侯玄代師師皆殺之遂廢帝而立高貴鄉公髦詔進師相國不受明年鎮東將軍毋丘儉揚州刺史文欽舉兵討師師自將攻殺儉欽奔吳欽子騫年十八勇冠三軍臨當引去以驍騎十餘陷陣所向皆披靡遂至師戲下師方割目上疣創未合驚而目出卒于許昌諡曰忠武晉受禪追尊曰景皇帝廟號世宗陵曰峻平師無子

以昭子攸爲子

師初娶夏侯尚女其母魏公主也青龍二年爲師所

爲弘訓太后羊氏

夏侯氏爲言泰始二年尊夏侯氏爲景懷皇后咸寧四年弘訓太后崩諡景獻

故昭遂代師輔政

昭字子上儉欽之役以中領軍留鎮洛陽師疾篤昭往省拜衛將軍師卒魏帝詔尚書傳嘏率六軍還京師而留昭鎮許昭不奉詔自率軍還進大將軍甘露元年加大都督封高都公加殊禮九錫不受二年五月鎮東大將軍諸葛誕起兵討昭昭挾天子并奉太后圍壽春

三年取之斬誕夷三族五月封晉公加九錫進位相國不受景元元年魏帝忿昭帝恣自率僮使六百人討之昭黨逆戰弑天子更立常道鄉公璜後更名曰奐更申前命不受四年大舉伐蜀捷書至乃受相國

晉公九錫之命蜀降總百揆咸熙元年三月進爵爲王七月王奏司空荀顗定禮儀中護軍賈充正法律尙書僕射裴秀議官制太保鄭冲總而裁焉始建五等爵以中撫軍炎爲世子二年五月魏帝命王用天子禮樂妃曰后世子曰太子晉國置丞相以下官八月王薨諡曰文晉受禪追尊曰文皇帝廟號太祖墓曰崇陽陵晉王炎旣嗣位十一月魏帝使使奉冊禪位王讓羣臣固請閏十二月十七日丙寅受禪僭皇帝大赦改元泰始

論曰史稱晉明帝時王導侍坐帝問前世所以得天下至高貴鄉公之事以面覆牀曰若如公言晉祚安得長烏乎雖孝子慈孫百世不能改也封建旣壞帝王皆崛起積德絜仁蓋靡得而稽焉唯夫平天



下之大難拯黔黎于沈溺則天意人事翕然響應其或遭時迫勢道  
出逆取飾以壇坫威以弧矢苟其所存者厚所樹者大則亦足以保  
世異哉司馬氏之有天下也無功窺竊三世相繼幸遂其欲適足以  
賈禍耳是以三綱淪斃九服摧頽朝靡十稔之安野空百室之聚專  
制僭逆之臣魚貫而乘勢扳附擁戴之徒茹連而俟時下至緇流妖  
誕么麼細瑣之輩苟其箝喙螫尾足以有所毒害莫不呀張趨舉倖  
而思逞豈悖逆之性固然哉氣類感而服習深非一朝一夕之故也  
故刪取舊文冠之武紀以著晉之禍敗所由熾焉

泰始元年閏十二月

舊史改元之年卽于歲首傳元年今皆以改元之月爲斷

尊魏帝爲陳留王

追尊宣景文三王皆爲皇帝懲魏孤立大封同姓親屬王者二十七  
人佐命諸臣皆封公侯餘封賞各有差並置八公驃騎王沈車騎賈  
充中軍羊祜尚書令裴秀中書監荀勗侍中任愷常侍傅玄皆爲腹  
心充勗尤親幸用事改景初曆爲泰始曆臘以西社以丑除魏王公

禁錮聽將吏終三年喪罷質任開言路

泰始二年正月有司議建七廟帝重其役不許卽魏廟祭征西府君以下并景文凡七室實六世二月郊祀宣帝以配天宗祀文帝于明堂以配上帝始除五帝坐三月吳主孫皓使來弔祭有司奏爲答詔帝欲以謙和柔遠命書答焉當是時北邊遼東西皆鮮卑句注之外河汾之閒則匈奴北地上郡隴西則胡鮮卑氏羌皆保塞襍居南邊廣陵淮南弋陽江夏襄陽巴蜀交州皆與吳接壤吳使還言晉新造易伐鄰好遂絕帝欲復三年喪羊祜謂傳玄曰主上至孝雖奪其服實行喪禮若因此復先王之制不亦善乎玄不可與諸臣固爭乃從漢魏權制旣葬除服然帝猶深衣素冠降席徹膳終喪乃復吉五月王沈卒七月營太廟九月傳玄皇甫陶上言汰冗食重農事有司奏寢之帝下詔切讓有司令玄等更作條目主者八坐廣共精研十一月并園丘方丘于南北郊二至之祀合于二郊太廟成

泰始三年正月立子衷爲皇太子三月令二千石得終三年喪司隸李憲劾故立進令劉友前尙書山濤等各占官田詔考竟友濤等勿問憲又劾騎都尉劉尙爲尙書令裴秀占官田詔但推尙遷憲爲太子太傅十月詔士卒遭父母喪者非在疆場皆得奔赴

泰始四年正月以尙書令裴秀爲司空車騎將軍尙書僕射賈充爲尙書令充等所修律令成始耕藉下詔班新律大赦二月罷中軍將軍官置北軍中候官中軍將軍羊祜遷尙書左僕射三月皇太后崩文明皇后王氏東海鄒人父肅魏中領軍后年八歲誦詩論語尤善喪服歸文帝生帝及遼東悼王定國齊獻王攸城陽哀王北廣漢殤王廣德十月吳寇江夏襄陽交趾十一月寇合肥十二月始臨聽訟觀錄囚親平決焉

泰始五年二月置秦州以尙書左僕射羊祜爲荊州都督右僕射東莞王佑爲徐州都督始謀吳也濟陰太守蜀人文立上言故蜀名臣子孫流徙中國者宜量才敘用以慰巴蜀之心傾吳人之望從之擢

立散騎常侍六月癸官督郭廩上言五事擢屯留令西平人麴路伐登聞鼓上書言涉妖謗有司奏棄市詔原之七月延羣公詢讜言十月汲守王宏政績著聞賜穀千斛十二月詔州郡舉勇猛秀異之才

泰始六年正月吳寇渦口四月吳陸抗鎮荊州六月秦州刺史胡烈擊畔虜敗死萬斛堆詔撰泰始以來大事祕書寫副十一月幸辟離行鄉飲酒禮十二月吳孫秀來降拜驃騎將軍封會稽公

泰始七年正月匈奴中部帥劉猛畔出并州塞二月吳主趣壽春遇雪還三月裴秀卒四月吳攻九真殺太守涼州刺史牽弘討畔胡敗死青山六月詔公卿各舉將帥一人帝憂關中甚七月侍中任愷中書令庾純請以賈充爲秦涼二州都督從之充不欲行其冬荀勗勸聘充女爲皇太子妃充遂留吳陷交州八月置寧州是歲安樂思公劉禪卒

泰始八年正月并州監軍何楨購斬劉猛二月納皇太子妃帝與右